

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o odabiru najpovoljnijeg ponuđača za pružanje usluga: Pravne usluge broj: 04-1-37-4-5/19 od 29.01.2019. godine,

**GRAĐEVINSKI FAKULTET UNIVERZITETA U SARAJEVU**, Ul. Patriotske lige broj 30, 71000 Sarajevo, koga zastupa dekan, prof. dr.Samir Dolarević, dipl. inž. građ. (u daljem tekstu: Naručilac usluga)

i  
**ADVOKAT AMILA IMAMOVIĆ iz Sarajeva**, ul.Dolina br. 5, 71000 Sarajevo, (u daljem tekstu: Izvršilac usluga)

zaključuju

## **UGOVOR o pružanju pravnih usluga**

### **I PREDMET UGOVORA**

#### **Član 1.**

Predmet ovog Ugovora je pružanje usluga – Pravne usluge za Građevinski fakultet Univerziteta u Sarajevu u 2019. godini, prema Odluci o pokretanju postupka javne nabavke usluga putem direktnog sporazuma Plan JN za 2019.god: Usluge 25, PRAVNE USLUGE, JRJN 79100000-5, broj: 04-1-37-4-1/19 od 17.01.2019.godine i Ponude advokata Amile Imamović iz Sarajeva evidentirana kod ugovornog organa pod brojem: 04-1-37-4-3/19 od 24.01.2019. godine, koje su sastavni dio ovog ugovora.

#### **Član 2.**

Pravne usluge iz člana 1. ovog ugovora koje će obavljati Izvršilac usluga u ime Naručioca usluga, obuhvataju sljedeće:

1. zastupanje u predmetu po tužbi prema tuženom “IG” d.o.o. Banja Luka i drugim eventualnim sporovima u dogovoru sa Naručiocem usluga;
2. sastav odgovora na tužbe,
3. sačinjavanje obrazloženih podnesaka;
4. zastupanje na pripremnom ročištu i ročištu za glavnu raspravu;
5. odlazak na uviđaj.

#### **Član 3.**

Cijena usluga iz člana 2. ovog Ugovora iznosi 1.200,00 KM za svaki pristup ročištu van sjedišta kancelarije advokata, odnosno 480,00 KM za svaku poduzetu radnju, odnosno ukupno 6.000,00 KM (slovima: šesthiljada KM) bez PDV za sve radnje poduzete u toku 2019. godine.

Naručilac usluga će plaćanje vršiti mjesečno na osnovu fakture Izvršioca usluga, na transakcijski račun Izvršioca usluga u roku od 30 dana od dana izdavanja iste.

### **II OBAVEZE IZVRŠIOCA USLUGA**

#### **Član 4.**

Potpisivanjem ovog Ugovora Izvršilac usluga se obavezuje da će usluge navedene u članu 2. ovog Ugovora obavljati savjesno, stručno i kvalitetno u skladu sa zahtjevima Naručioca usluga, odredbama ovog ugovora, zakonskim i drugim propisima i pravilima struke.

#### **Član 5.**

Izvršilac usluga odgovoran je za zakonitost obavljanja preuzetih poslova iz člana 2. ovog Ugovora i njihovo izvršenje u zakonskom roku.

Izvršilac usluge je obavezan pismeno upozoriti Naručioca usluge na neophodnost poduzimanja određenih pravnih radnji u predmetnom sporu u cilju zaštite interesa Naručioca usluga.

Ukoliko se Naručilac usluga ogluši na pismena upozorenja Izvršioca usluge iz prethodnog stava, za eventualne štetne posljedice koje nastanu za Naručioca usluga, Izvršilac usluga ne snosi odgovornost.

### III OBAVEZE NARUČIOCA USLUGA

#### Član 6.

Za usluga iz člana 2. ovog Ugovora Naručilac usluga se obavezuje da će na vrijeme dostaviti Izvršiocu usluga svu potrebnu dokumentaciju vezanu za predmet spora.

#### Član 7.

Izvršilac usluge je obavezan pismeno upozoriti Naručioca usluge na obavezu blagovremenog dostavljanja ispravne dokumentacije i informacija koja su od utjecaja na pravni status predmeta spora. Ukoliko Naručilac usluga, i pored upozorenja, ne dostavi ili neblagovremeno dostavi dokumentaciju koja je od uticaja na predmet spora, Izvršilac usluga neće snositi bilo kakvu odgovornost za eventualne posljedice koje mogu nastati zbog propusta Naručioca usluga da blagovremeno preda relevantnu dokumentaciju.

### IV PRELAZNE I ZAVRŠNE ODREDBE

#### Član 8.

Ovaj ugovor može se raskinuti na pismeni zahtjev jedne od ugovornih strana, sporazumno ili na izričit zahtjev jedne od ugovornih strana uz otkazni rok od 2 (dva) mjeseca.

#### Član 9.

Izvršilac usluga zadržava pravo da može raskinuti ovaj ugovor jednostrano bez davanja otkaznog roka u slučaju da korisnik usluga nije platio fakturu za izvršene usluge u roku od 30 dana od njenog dospjeća i odmah staviti na raspolaganje kompletan spis predmeta.

#### Član 10.

Svi nesporedumi koji eventualno nastanu u provođenju ovog Ugovora rješavat će se sporazumno. Ukoliko se spor ne uspije riješiti sporazumom, za rješavanje istog se utvrđuje nadležnost Suda stvarne nadležnosti u Sarajevu.

#### Član 11.

Ovaj Ugovor je sastavljen u četiri (4) istovjetna primjerka, od kojih svaka ugovorna strana dobija po dva (2) primjerka.

Izvršilac usluga

Advokat Amila Imamović iz Sarajeva

ADVOKAT Amila Imamović

71000 Sarajevo, Dolina br. 5  
tel.: 033/213-215, mob.: 061/190-738  
e-mail: iamila@bih.net.ba

Naručilac usluga

Građevinski fakultet Univerziteta u Sarajevu

Prof.dr. Samir Dolarević, dipl.inž.građ.

U Sarajevu, 29. 01. 2019.  
Broj: 04-1-37-4-6/19.

**GRAĐEVINSKI FAKULTET  
U SARAJEVU  
Ul. Patriotske lige 30  
71000 Sarajevo**

GRAĐEVINSKI FAKULTET U SARAJEVU  
24.01.2019.g.  
24. 01. 2019.

Poštovani,

04-1-37-4-3/19.

**PREDMET: Zastupanje Vašeg Fakulteta u predmetu protiv tuženog Institut za građevinarstvo "IG" Banja Luka, ponuda, dostavlja se**

Ovim putem Vam dostavljamo ponudu za zastupanje Građevinskog fakulteta u predmetu koji je po Vašoj tužbi pokrenut protiv Instituta za građevinarstvo "IG" Banja Luka i koji predmet se pod brojem 57 Ps 124757 Ps vodi pred Okružnim privrednim sudom u Banja Luci. Vrijednost spora ste u predmetnom postupku odredili u iznosu od 19.983,60KM.

Postupajući po Vašoj tužbi, pomenuti sud je nakon pripremnog ročišta, zakazao glavnu raspravu za dan 12.02.2019.g.

Imajući u vidu da se postupak vodi pred Okružnim privrednim sudom u Banja Luci, za ovu ponudu smo primjenili Tarifu o nagradama i naknadi troškova za rad advokata Advokatske komore RS ("Službeni glasnik RS" br. 68/05) (dalje u tekstu: "Tarifa"), a što je bio i sadržaj naše ranije ponude.

Prema Tarifi, koja vrijednost spora određuje kao primarni kriterij, nagrada za pristup na ročište u predmetnom postupku iznosi 240 bodova. Imajući u vidu vrijednost boda koju Tarifa određuje u iznosu od 2,00KM nagrada za sam pristup na ročište bi iznosio 480,00KM plus paušalni iznos od 25% koji je također predviđen Tarifom.

Kako je ročište zakazano van sjedišta naše kancelarije, po Tarifi nam pripada i nagrada za izgubljeno vrijeme i to za svaki započeti sat odsustva iz kancelarije radi prisustva na ročištu po 30 bodova, odnosno 60,00KM.


Pored toga, Tarifa predviđa i pravo advokata na naknadu troškova za prijevoz i dnevnice. Troškovi prijevoza se nadoknađuju visini cijene putničke karte prevoznog sredstva ili upotrebu vlastitog automobila. Dnevnicu je Tarifom fiksno određen i iznosi 100 bodova odnosno 200,00KM ukoliko advokat zbog izvršavanja poslova, odnosno prisustva na ročištu, ostane na putu duže od 12 sati.

Bez obzira na mogućnost obračuna po Tarifi, naša ponuda bi bila manja od iznosa predviđenog tom Tarifom i iznosila bi 1.200,00KM plus PDV za svaki pristup na ročište u Banja Luci.

Pored pristupa na ročište, u slučaju da za to bude potrebe, svaku poduzetu radnju u smislu sačinjavanja pismenih podnesaka bismo obračunali u iznosu od 480,00KM plus PDV.

Nadamo se da smo našu ponudu dostatno obrazložili i posebno u pogledu primjenjive Tarife i umanjenja koje smo uključili u ponudu, a svakako Vam stojimo na raspolaganju za bilo kakvo dodatno pojašnjenje.

S poštovanjem

  
ADVOKAT Amila Imamović  
71000 Sarajevo, Dolina br. 5  
tel.: 033/213-215 mob: 061/190-298  
e-mail: amila@bih.net.ba